



MØTEINNKALLING

Utval: Valstyret
Møtedato 27.05.2021
Møtetid: Kl. 13:00
Møtestad: Biblioteket på Bjørkheim

Varamedlem skal ikkje møta utan nærare innkalling

Forfall til møtet må meldast snarast råd til servicesenteret (tlf. 56 58 74 00 eller e-post postmottak@samnanger.kommune.no), som vil kalla inn varamedlem.

Me ber om at alle som kan vera ugilde i ei eller fleire saker på sakslista melder frå om dette til servicesenteret.

SAKLISTE

Saker til handsaming på møtet

Sak nr.	Arkivsak	Sakstittel	Merknad
005/2021	21/379	Faste saker	
006/2021	19/1056	Fastsetjing av fristar ved stortings- og sametingsvalet 2021	
007/2021	19/1056	Prøving av førehandsrøyster ved stortings- og sametingsvalet 2021	
008/2021	19/1056	Røystelokale på valdagen 2021 for personar som er i karantene grunna covid-19	
009/2021	19/1056	Tidlegrøysting og førehandsrøysting ved stortings- og sametingsvalet 2021	
010/2021	19/1056	Val av oppteljingsmåte ved valting - stortings- og sametingsvalet 2021	
011/2021	19/1056	Oppnemning av røystemottakarar til førehandsrøystinga ved stortings- og sametingsvalet 2021	

Oversikt faste saker

- Godkjenning av innkalling og sakliste
- Eventuelle merknader til protokoll frå førre møte
- Orienterings-/referatsaker
- Utvalet sitt kvarter



SAKSFRAMLEGG

Sakshandsamar: Jan Erik Boge	Arkivkode: FE-033
Arkivsaksnr: 21/379	Løpenr: 21/4379
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Valstyret	27.05.2021	005/2021

Faste saker

Rådmannen sitt framlegg til vedtak:

- Møteinnkallinga og saklista vert godkjent.
- Orienteringssaker/referatsaker vert tekne til orientering.

Oversikt over faste saker:

Godkjenning av innkalling og sakliste.
Eventuelle merknader til protokoll frå førre møte.
Orienteringssaker/referatsaker.
Utvalet sitt kvarter.



SAKSFRAMLEGG

Sakshandsamar: Jan Erik Boge	Arkivkode: FE-011
Arkivsaksnr: 19/1056	Løpenr: 21/4285
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Valstyret	27.05.2021	006/2021

Fastsetjing av fristar ved stortings- og sametingsvalet 2021

Rådmannen sitt framlegg til vedtak:

Frist for listestillarar for å setja fram krav om gratis eksemplar av manntalet vert sett til onsdag 30.06.2021.

Dokument som ikkje er vedlagt:

- Vallova
([Lov om valg til Stortinget, fylkesting og kommunestyre \(valgloven\) - Lovdata](#))
- Valforskrifta
([Forskrift om valg til Stortinget, fylkesting og kommunestyre \(valgforskriften\) - Lovdata](#))

Kva saka gjeld:

Vallova og valforskrifta har ein del faste fristar i samband med gjennomføring av val. På enkelte område er det rom for lokale tilpassingar, og valstyret set då fristar tilpassa lokale behov. Ved stortings- og sametingsval er det færre fristar som må fastsetjast av valstyret enn ved kommunestyre- og fylkestingsval.

Frist som må fastsetjast av valstyret for valet 2021

I samband med Stortings- og sametingsvalet 2021 må valstyret fastsetja følgjande frist:

- **Frist for å krevja eit eksemplar av manntalet.** Jf. valforskrifta § 3 første ledd har alle som stiller liste ved valet rett til eitt papireksemplar av manntalet for valkrinsen. Krav om manntalseksemplar må setjast fram for valstyret innan den fristen valstyret har sett. Rådmannen anbefaler at fristen for årets val vert sett til 30.06.2021.

Informasjon om særskilde lovbestemte fristar som gjeld ved valet 2021

Frist for å søkja om heimerøysting/ambulerande røysting (førehandsrøysting)

Veljarar kan på visse vilkår (jf. vallova § 8-3 sjette ledd) etter søknad til valstyret få høve til å avgje førehandsrøyst der dei oppheld seg (ambulerande røystegjeving). I eit vanleg valår skal valstyret fastsetja ein frist for når slike søknader må vera komne til kommunen, jf. reglar i vallova § 8-3 sjette ledd. På grunn av koronapandemien er det i 2021 vedteke nokre mellombelse endringar i vallova. Endringane gjeld mellom anna § 8-3, der det er lagt til tre tilleggsparagrafar (§§ 8-3 a, 8-3 b og 8-3 c).

Det går fram av § 8-3 b at fristen for å søkja om heimerøysting/ambulerande røysting (førehandsrøysting) ved valet i 2021 er kl. 10 på fredagen før valdagen (søknaden må vera komen til kommunen innan denne fristen). Dette inneber at det ved årets val ikkje er valstyret som skal fastsetja denne søknadsfristen.

Frist for å søkja om heimerøysting/ambulerande røysting for veljarar som er i karantene eller isolasjon på valdagen

Det går fram av vallova §§ 9-3 c tredje ledd og 9-6 a første ledd at veljarar som på valdagen er i karantene eller isolasjon, ved valet i 2021 kan søkja om å få røysta ved heimerøysting/ambulerande røysting også på valdagen. Søknad om dette må vera komen inn til kommunen seinast kl. 10 på valdagen.



SAKSFRAMLEGG

Sakshandsamar: Jan Erik Boge	Arkivkode: FE-011
Arkivsaksnr: 19/1056	Løpenr: 21/4368
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Valstyret	27.05.2021	007/2021

Prøving av førehandsrøyster ved stortings- og sametingsvalet 2021

Rådmannen sitt framlegg til vedtak:

Rådmannen får fullmakt til å prøva alle tidleg- og førehandsrøystegjevingar ved stortings- og sametingsvalet 2021.

Kva saka gjeld:

Ved eit val vil det alltid vera velgjarar som i førehandsrøysteperioden vel å røysta i ein annan kommune enn den kommunen dei er manntalsførte i. Desse røystesetlane vert sendt til heimkommunen til velgjaren i konvolutt. Røyster mottekne i konvolutt må registrerast og prøvast i EVA, det sentrale IT-systemet som vert brukt av ved førebuing og gjennomføring av val.

Prøving av førehandsrøyster vil seia å godkjenna eller forkasta røystegjevningar. Alle førehandsrøystegjevningane som er mottekne i konvolutt må prøvast før dei kan endeleg godkjennast og teljast.

Prøvinga må gjerast før ein skriv ut avkrysningsmanntalet. I år må dette gjerast etter at førehandsrøysteperioden sluttar 10. september og før vallokala i røystekrinsane opnar på valdagen 13. september.

Sjølve røystesetlane vert ikkje talde ved prøvinga av førehandsrøystegjevingar.

Vallova § 10-1:

§ 10-1. Valgstyrets godkjenning av forhåndsstemmegivning avgitt i stemmeseddelkonvolutt

- (1) En forhåndsstemmegivning skal godkjennes dersom
 - a) velgeren er innført i manntallet i kommunen,
 - b) stemmegivningen inneholder tilstrekkelige opplysninger til å fastslå hvem velgeren er,
 - c) stemmegivningen er avgitt til rett tid,
 - d) stemmegivningen er levert til rett stemmemottaker med mindre den er avgitt som brevstemme,
 - e) omslagskonvolutten ikke er åpnet eller forsøkt åpnet,
 - f) velgeren ikke har avgitt godkjent stemmegivning og
 - g) stemmegivningen er kommet inn til valgstyret innen kl. 17 dagen etter valgdagen.
- (2) Velgerens stemmegivning er godkjent når vedkommende er krysset av i manntallet.
- (3) Forhåndsstemmegivningene skal godkjennes før valgdagen i den utstrekning det er mulig.

Vurderingar og konsekvensar:

Ved tidlegare val har administrasjonen fått mynde til å prøva alle førehandsrøystegjevingar. Det vert foreslått at valstyret gir slik fullmakt også ved årets val. Fullmakta bør gjevast til rådmannen, som kan vidaredelegara den.

Andre moglege alternativ vil vera at leiaren i valstyret får fullmakt til prøving av førehandsrøyster, eller at valstyret sjølv må koma saman og prøva førehandsrøystingane.



SAKSFRAMLEGG

Sakshandsamar: Jan Erik Boge	Arkivkode: FE-011
Arkivsaksnr: 19/1056	Løpenr: 21/4350
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Valstyret	27.05.2021	008/2021

Røystelokale på valdagen 2021 for personar som er i karantene grunna covid-19

Rådmannen sitt framlegg til vedtak:

Tilbodet om røysting på valdagen for veljarar i Samnanger som er i karantene grunna covid-19 (jf. vallova § 9-3 c første ledd), vert i tilknytning til røystelokalet på Samnangerheimen i Gjerde røystekrins. Rådmannen får fullmakt til å ta avgjerd om nøyaktig kvar tilbodet skal vera.

Dokument som ikkje er vedlagt:

- Vallova
([Lov om valg til Stortinget, fylkesting og kommunestyre \(valgloven\) - Lovdata](#))
- Smittevernveileder for valggjennomføring under covid-19-utbrotet
(<https://www.regjeringen.no/contentassets/7316bf5015324f10a8d226d8a33d05f0/smittevernveileder-for-valggjennomforing.pdf>)

Kva saka gjeld:

Det går fram av vallova § 9-3 c første ledd at veljarar som på valdagen i 2021 er i karantene på grunn av covid-19, skal ha høve til å røysta på eigna stad bestemt av valstyret. Denne veljargruppa skal på valdagen ikkje røysta i dei ordinære vallokala, men på eigen stad/eigne stader. Dette kan for eksempel vera utanfor dei ordinære røystelokala eller ved mobile røystemottak.

Det går vidare fram av vallova § 9-3 c tredje ledd at veljarar som er i karantene, og som på valdagen ikkje kan avgje røyst etter vallova § 9-3 c første ledd, etter søknad til valstyret kan få avgje røyst der dei oppheld seg (heimerøysting/ambulerande røysting på valdagen). Reglane i vallova § 9-6 a første ledd vil då gjelda, noko som mellom anna inneber at søknad om heimerøysting må vera komen inn til kommunen innan kl. 10 på valdagen.

Vurderingar og konsekvensar:

Det er pr. i dag ikkje mogleg å vita om nokon innbyggjarar i Samnanger vil vera i covid-19-karantene

på valdagen 13.09.2021, og i så fall kor mange. Uansett må det i planlegginga takast høgd for at nokon innbyggjarar i kommunen vil vera i karantene på valdagen.

Det må takast stilling til om det på valdagen skal vera tilbod i alle tre røystekrinsane (Tysse, Gjerde og Nordbygda) til å røysta for veljarar som er i karantene, eller om det berre skal vera slikt tilbod i ein eller to av røystekrinsane. Det bør vera tilstrekkeleg at dette tilbodet på valdagen berre vert i ein røystekrins, og at alle som er i karantene kan røysta i denne krinsen. Rådmannen si vurdering er at tilbodet bør vera i tilknytning til røystelokalet på Samnangerheimen (Gjerde røystekrins). Der vil det truleg vera relativt enkelt å leggja til rette for at veljarar i karantene kan få røysta utanfor røystelokalet, og at dette kan gjennomførast på ein smittevernmessig forsvarleg måte, jf. retningslinjer i smittevernveilederen.



SAKSFRAMLEGG

Sakshandsamar: Jan Erik Boge	Arkivkode: FE-011
Arkivsaksnr: 19/1056	Løpenr: 21/4353
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Valstyret	27.05.2021	009/2021

Tidlegrøysting og førehandsrøysting ved stortings- og sametingsvalet 2021

Rådmannen sitt framlegg til vedtak:

Tidlegrøysting og førehandsrøysting ved stortings- og sametingsvalet 2021 vert halde på kommunehuset på kvardagar mellom klokka 09:00 og 15:00.

I tillegg vert det tilbod om førehandsrøysting på biblioteket på Bjørheim følgjande dagar:

- Laurdag 28.08.2021 kl. 10:00 – 14:00
- Torsdag 02.09.2021 kl. 15:00 – 19:00
- Laurdag 04.09.2021 kl. 10:00 – 14:00
- Torsdag 09.09.2021 kl. 15:00 – 19:00

Dokument som ikkje er vedlagt:

- Vallova
([Lov om valg til Stortinget, fylkesting og kommunestyre \(valgloven\) - Lovdata](#))
- Smittevernveileder for valggjennomføring under covid-19-utbrotet
(<https://www.regjeringen.no/contentassets/7316bf5015324f10a8d226d8a33d05f0/smittevernveileder-for-valggjennomforing.pdf>)

Kva saka gjeld:

Det må bestemast kva lokale i Samnanger som skal brukast til tidleg – og førehandsrøysting til stortings- og sametingsvalet 2021, samt opningstider for tidleg- og førehandsrøystinga.

Som følgje av koronapandemien vil det etter alt å døme måtte takast ulike smittevernomsyn ved gjennomføringa av tidleg- og førehandsrøystinga.

Førehandsrøysting

Den ordinære førehandsrøystinga skjer frå og med 10. august i valåret, jf. vallova § 8-1 første ledd.

For stortings- og sametingsvalet 2021 vil førehandsrøysteperioden vera 10. august – 10. september.

Tidlegrøysting

Veljarar kan røysta innanriks frå 1. juli, såkalla tidlegrøysting. Det skal vera mogleg å tidlegrøysta fram til 9. august. Ordninga er heimla i vallova § 8-1 fjerde ledd. Formelt er ei slik «tidlegrøyst» ein del av førehandsrøystinga. Tidlegrøysting er meint som ei ordning for dei som ikkje har høve til å røysta innanfor førehandsrøysteperioden eller på valdagen. Veljaren kan kontakta kommunen og be om å få røysta. Det kan skje munnleg eller skriftleg. Veljarane skal ha høve til å røysta i alle kommunane i landet.

Vurderingar og konsekvensar:

Vanlegvis er tilbodet om tidleg- og førehandsrøysting i Samnanger i ekspedisjonen på kommunehuset - dette tilbodet gjeld på dagtid på kvardagar. I tillegg har det vore vanleg å ha tilbod om førehandsrøysring ein til to ettermiddar og ein til to laurdagar i tida før valet - i 2019 var dette tilbodet på biblioteket på Bjørkheim.

Tilbodet om tidleg- og førehandsrøysting på dagtid på kvardagar bør av bemanningsmessige/kostnadmessige årsaker også ved årets val vera på kommunehuset. Dette vil krevja ein del smitteverntiltak/tilpassingar, men det vil etter alt å døme vera mogleg å gjennomføra tidleg- og førehandsrøystinga på ein smittevernmessig forsvarleg måte på også på kommunehuset.

Mellom anna som følgje av koronapandemien vil mange truleg ønskja å førehandsrøysta ved årets val. Det bør også i år vera tilbod om førehandsrøysting nokre ettermiddagar/laurdagar, i tillegg til på dagtid på kvaradagar. Det vert foreslått at tilbodet på ettermiddagar/laurdagar vert på biblioteket på Bjørkheim, på følgjande datoar:

- Laurdag 28.08.2021 kl. 10:00 – 14:00
- Torsdag 02.09.2021 kl. 15:00 – 19:00
- Laurdag 04.09.2021 kl. 10:00 – 14:00
- Torsdag 09.09.2021 kl. 15:00 – 19:00



SAKSFRAMLEGG

Sakshandsamar: Jan Erik Boge	Arkivkode: FE-011
Arkivsaksnr: 19/1056	Løpenr: 21/4279
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Valstyret	27.05.2021	010/2021

Val av oppteljingsmåte ved valting - stortings- og sametingsvalet 2021

Rådmannen sitt framlegg til vedtak:

I Samnanger kommune vert røystesetlane ved valtinget ved stortingsvalet 2021 samla og talde sentralt samla på kommunehuset på Tysse.

Dokument som ikkje er vedlagt:

- Vallova
([Lov om valg til Stortinget, fylkesting og kommunestyre \(valgloven\) - Lovdata](#))
- Valhandboka
(https://www.regjeringen.no/contentassets/328b3cb156974d358f63319277a52837/2021_valghandboken.pdf)

Kva saka gjeld:

Valstyret må gjera vedtak om oppteljingsmåte for valtingsrøyster ved stortingsvalet i Samnanger i 2021. Vallova § 10-4 inneheld prinsippa for oppteljing av røystesetlar:

§ 10-4 Prinsipper for opptelling av stemmesedler

(1) Valgstyret er ansvarlig for opptelling av stemmesedler. Opptellingen foretas av de personer og på den måten valgstyret har bestemt.

(2) Særskilt opptelling av stemmesedler kan bare foretas dersom den delen eller de delene av manntallet opptellingen gjelder, inneholder minst 100 navn.

(3) Ved fylkestingsvalg og kommunestyrevalg skal stemmesedlene telles opp hver for seg. Stemmesedlene kan telles opp samtidig, forutsatt at dette ikke fører til forsinkelse av valgoppgjøret ved fylkestingsvalget.

(4) Stemmesedler avgitt på forhånd og stemmesedler avgitt på valginget skal telles hver for seg.

(5) Stemmesedlene skal telles opp i to omganger, ved en foreløpig og en endelig opptelling.

Følgjande oppteljingsmåtar vil vera mest aktuelle i Samnanger ved årets val:

- **Sentralt – samla**
Alle røystesetlane vert samla og talde samla.
- **Sentralt – fordelt på krins**
Alle røystesetlane vert samla, men kvar røystekrins vert talde for seg.
- **Lokalt – fordelt på krins**
Røystestyra i kvar krins tel røystesetlane ute i dei ulike røystelokala.

Det går fram på side 103 i valhandboka at oppteljinga også kan skje i annan kommune. Dette alternativet er ikkje undersøkt nærmare og vil neppe vera aktuelt ved årets val i Samnanger.

Førehandsrøyster må teljast **sentralt – samla**, då desse vert samla i urnene og det ikkje er høve til å knyta røystesetlane til dei ulike røystekrinsane (det er tre røystekrinsar i Samnanger).

Vurderingar og konsekvensar:

I Samnanger kommune har det vore vanleg å telja valtingsrøystene **sentralt - samla**. Dette er ein teljemåte som har fungert godt, og som dei involverte er godt kjende med. Ei «ulempe» med denne teljemåten kan vera at me ikkje får noko valresultat for valtingsrøyster pr. valkrins, berre eit samla valresultat for heile kommunen.

Dersom teljemåten skal endrast til **sentralt – fordelt på krins**, vil det krevja noko opplæring for valfunksjonærane på kommunehuset.

Dersom teljemåten skal endrast til **lokalt – fordelt på krins**, vil det krevja opplæring ute i røystestyra. I tillegg vil ein slik teljemåte krevja at røystestyra sjølv registrerer røystene inn i det elektroniske valadministrasjonssystemet EVA. Dette systemet har til no ikkje vore i bruk ute i valkrinsane, og vil krevja opplæring.

Rådmannen tilrår at det ved valet i 2021 vert brukt same oppteljingsmåte som ved tidlegare val, **sentralt – samla**.

Det går fram av brev frå Sametinget datert 22.02.2021 at det i 2021 ikkje skal haldast valting til sametingsvalet i Samnanger. Årsaka til dette er at Samnanger hadde mindre enn 30 personar i Sametinget sitt valmantall pr. 30.06.2019. Brevet ligg som vedlegg til møteinnkallinga til valstyret 27.05.2021.



SAKSFRAMLEGG

Sakshandsamar: Jan Erik Boge	Arkivkode: FE-011
Arkivsaksnr: 19/1056	Løpenr: 21/4293
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Valstyret	27.05.2021	011/2021

Oppnemning av røystemottakarar til førehandsrøystinga ved stortings- og sametingsvalet 2021

Rådmannen sitt framlegg til vedtak:

Følgjande personar vert oppnemnde som røystemottakarar ved tidleg- og førehandsrøystinga til stortings- og sametingsvalet i Samnanger i 2021:

- Marianne Soleng, Heidi Gjerde, Vibeke Vinje Våge, Kristoffer Kleiveland, Daniel Borge Kristensen, Meline Heimdal Haugland, Karianne Kayser, Carolina Mercadal, Kari Kallevik Hjartnes, Venla Arponen Snilstveit, Gunnveig Åkre, Bodil H. Øpstebo, Nina Erdal, Svanhild Oldervoll, Anne Mette S. Haug, Pål Strand, Siv Sæterdal, Anette Følid, Ingebjørg Vamråk, Jan Erik Boge, Linda-Sofie Frøland, Finn Ove Frøynes, Lisbeth Aadland, Hilde Engjom, May Eva Sandvik, Hilde-Lill Våge, Nina Fredriksen, Ragnhild Lønningdal, Knut Hellevik, Ole-Martin Bruvik, Oddrun Lemme Sandvin.

Dokument som ikkje er vedlagt:

- Vallova
([Lov om valg til Stortinget, fylkesting og kommunestyre \(valgloven\) - Lovdata](#))
- Valhandboka
(https://www.regjeringen.no/contentassets/328b3cb156974d358f63319277a52837/2021_valghandboken.pdf)

Kva saka gjeld:

Perioden for ordinær førehandsrøysting til stortings- og sametingsvalet 2021 er 10. august – 10. september. I tillegg er det høve til tidlegrøysting i perioden 1. juli – 9. august.

Vallova § 8-2 seier følgjande om kven som kan ta imot førehandsrøyster:

§ 8-2. Hvem kan motta forhåndsstemmer

- (1) Som stemmemottaker innenriks fungerer
- a) stemmemottakere oppnevnt av valgstyret.
 - b) sysselmannen på Svalbard. Sysselmannen kan oppnevne andre stemmemottakere.
 - c) på Jan Mayen den departementet bestemmer.
- (2) Som stemmemottaker utenriks fungerer
- a) utenriktjenestemann ved lønnet norsk utenriksstasjon. Etter særskilt bemyndigelse fra Utenriksdepartementet kan stemmegivning også foregå hos utenriktjenestemann ved ulønnet norsk utenriksstasjon. Stasjonssjefen kan når det finnes påkrevd, oppnevne en eller flere av stasjonens funksjonærer til å motta forhåndsstemmer.
 - b) stemmemottakere oppnevnt av departementet dersom stemmegivningen foregår andre steder enn det som fremgår av bokstav a.
- (3) Kandidat som er oppført på valgliste ved kommunestyrevalget, kan ikke oppnevnes til stemmemottaker i vedkommende kommune. Kandidat som er oppført på valgliste ved stortingsvalget eller fylkestingsvalget, kan ikke oppnevnes til stemmemottaker i kommunene i vedkommende valgdistrikt.
- (4) Dersom en velger som oppholder seg utenfor riket ikke har mulighet til å oppsøke en stemmemottaker, kan vedkommende avgi stemme ved brevpost uten at en stemmemottaker er til stede ved stemmegivningen.

Vallova § 8-1 femte ledd seier følgende om mottak av førehandsrøyster:

- (5) Ved forhåndsstemmegivningen innenriks, unntatt på Svalbard og Jan Mayen, skal det fra 10. august være minst to stemmemottakere til stede ved mottak av forhåndsstemmer.

Som følge av koronapandemien er det i 2021 gjort nokre mellombelse endringer/tilpassingar i vallova. Ei av desse mellombelse endringane er følgende regel i § 8-1 a:

§ 8-1 a. Adgang til å fravike kravet om to stemmemottakere ved stortingsvalget i 2021

Dersom det på grunn av et lokalt utbrudd av covid-19 er nødvendig for å sikre at velgerne får anledning til å stemme, kan valgstyret selv fravike kravet i [§ 8-1](#) femte ledd ved mottak av stemmer etter [§ 8-3](#) annet ledd bokstav a, [§ 8-3 b](#) og [§ 8-3 c](#) annet ledd.

«Stemmer etter § 8-3 annet ledd bokstav a, § 8-3 b og § 8-3 c annet ledd» gjeld følgende kategoriar av røyster:

- helse- og omsorgsinstitusjonar (§ 8-3 andre ledd bokstav a)
- ambulerande stemmegjeving ved sjukdom, uførheit eller isolasjonsplikt på grunn av covid-19 ved stortingsvalet i 2021 (§ 8-3 b)
- førehandsrøysting heime for veljarar som er i karantene på grunn av covid-19 ved stortingsvalet i 2021 (§ 8-3 c andre ledd).

I punkt 10.6.1 i Kommunal- og regionaldepartementet si valhandbok vert det presisert at kravet om at det skal vera to røystemottakarar til stades ved røystegjevinga, berre gjeld i den ordinære førehandsrøysteperioden. Kravet gjeld ikkje ved tidlegrøysting.

Vurderingar og konsekvensar

Det er behov for at valstyret oppnemner eit tilstrekkeleg tal førehandsrøystemottakarar til valet 2021, slik at det i førehandsrøystingsperioden alltid er minst to oppnemnde førehandsrøystemottakarar til stades i opningstida på kommunehuset.

Vanlegvis vil det vera tilsette ved servicesenteret som tek imot førehandsrøyster. På grunn av at det i førehandsrøystingsperioden ikkje alltid vil vera to tilsette på servicesenteret som kan ta imot førehandsrøyster, må også andre tilsette på kommunehuset oppnemnast som førehandsrøystemottakarar. Dette er nødvendig for å sikra at personar som kjem til kommunehuset for å førehandsrøysta, får høve til å gjera det.

Nokre av dei oppnemnde førehandsrøystemottakarane vil få tilgang til det elektroniske valadministrasjonssystemet EVA og opplæring i korleis førehandsrøyster skal registrerast der.

Rolla til dei øvrige førehandsrøystemottakarane vil vera at dei ved behov kan vera "vitne"/røystemottakar nummer to. Desse treng derfor ikkje tilgang til EVA og heller ikkje noko opplæring. Det er viktig å ha mange personar i denne kategorien, for å redusera risikoen for at det manglar røystemottakar nummer to når nokon kjem til kommunehuset for å røysta.

Det kan eventuelt verta nødvendig at valstyret supplerer lista over førehandsrøystemottakarar seinare.

Pr. i dag er ser det ikkje ut til å vera nødvendig å fråvika kravet om to stemmemottakarar ved førehandsrøysting til valet i Samnanger i 2021, jf. vallova § 8-1 a. Det går fram av lovteksten at ein føresetnad for at valstyret kan fråvika kravet om to stemmemottakarar, er eit lokalt utbrot av covid-19.